



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: 01- /20  
Datum: 2020. godine

**N A C R T**

Na osnovu člana 8.,9. i 13. Zakona o principima lokalne samouprave ("Službene novine FBiH", broj: 49/06 i 51/09), člana 14. Statuta Općine Tešanj («Službeni glasnik Općine Tešanj», broj: 11/07), i člana 10. Zakona o upravljanju otpadom ("Službene novine FBiH", broj: 33/03 i 72/09), Općinsko vijeće Tešanj na svojoj \_\_\_\_\_sjednici, održanoj \_\_\_\_\_2020. godine, donosi

**ODLUKU  
o usvajanju Plana upravljanja otpadom općine Tešanj 2020 - 2024**

**Član 1.**

Usvaja se Plan upravljanja otpadom općine Tešanj za period 2020 - 2024. godine.

**Član 2.**

Planom upravljanja otpadom doprinosi se ostvarenju slijedećih ciljeva:

- Smanjenje rizika po okoliš i zdravlje ljudi i uspostava infrastrukture za integralno upravljanje otpadom;
- Smanjenje količina otpada za finalno odlaganje/zbrinjavanje uz efikasnije korištenje resursa;
- Osigurava provedba sistema kroz pravni, institucionalni i ekonomski okvir.

**Član 3.**

Planom upravljanja otpadom utvrđeni su slijedeći zadaci:

- sakupljanje opasnog otpada iz domaćinstava;
- korištenje komponenti iz komunalnog otpada;
- smanjenje procenta biorazgradivog otpada i ambalažnog otpada u komunalnom otpadu;
- podizanje javne svijesti u upravljanju otpadom;
- lociranje postrojenja za upravljanje otpadom;
- saradnja između općina radi postizanja zadatih ciljeva.

**Član 4.**

Sastavni dio ove Odluke je Plan upravljanja otpadom općine Tešanj za period 2020 - 2024. godine.

**Član 5.**

Ova odluka stupa na snagu narednog dana od dana objave u "Službenom glasniku Općine Tešanj".

**PREDSJEDAVAJUĆI VIJEĆA**

Subašić Senad, dipl.ecc

## Obrazloženje

### I PRAVNI OSNOV

Pravni osnov za donošenje ovog Plana sadržan je u:

- članu 8., 9. i 13. Zakona o principima lokalne samouprave ("Službene novine FBiH", broj: 49/06 i 51/09),
- članu 14. Statuta Općine Tešanj («Službeni glasnik Općine Tešanj», broj: 11/07) i
- članu 10. Zakona o upravljanju otpadom ("Službene novine FBiH", broj: 33/03 i 72/09).

### II RAZLOZI ZA DONOŠENJE

Pored zakonom predviđenih obaveza, Strategijom razvoja općine Tešanj 2018-2027 u dijelu V.4 Plan lokalnog ekološkog razvoja postavio je kao sektorski cilj 3.2 Unaprijediti sistem zbrinjavanja komunalnog otpada i otpadnih voda, koji se treba realizirati kroz program 3.2.2 Poboljšanje sistema upravljanja otpadom, i provođenje mjera 3.2.2.6 Izrada plana upravljanja otpadom. Za Menadžera ovog projekta imenovan je Fuad Mešić, uposlenik JP „RAD“ d.d. Tešanj. U cilju pripreme Plana, Općinski načelnik je svojim rješenjem broj: 02-49-2-490/19 od 06.03.2019. godine imenovao Radni tim u sastavu: Himzo Bošnjak, Hasan Handžić i Meho Alić. Radni tim je nakon izrade Plana proveo proceduru rasprave, predstavljanja i usaglašavanja te isti dostavio Općini Tešanj u dalju proceduru.

Djelatnosti koje reguliraju otpad su u nadležnosti Federalnog ministarstva okoliša i turizma, resornih kantonalnih ministarstava, a dio poslova je u nadležnosti jedinica lokalne samouprave, što je sadržano u članu 9. i 10. Zakona o upravljanju otpadom, što ujedno predstavlja i pravnu osnovu za donošenje plana. U planiranju upravljanja otpadom nadležni organi su dužni da izrade planove za upravljanje otpadom uzimajući u obzir vrstu, količinu i porijeklo otpada koji se proizvodi i koji se treba tretirati ili odložiti; ciljeve upravljanja otpadom, opće tehničke zahtjeve za upravljanje otpadom; raspoloživ i podesan tretman i mjesta odlaganja; specijalne ugovore za tretman ili odlaganje otpada; itd.

Plan definira preduvjete za održiv integralni sistem upravljanja otpadom za srednjorični period od 5 godina, uz mogućnost da se u toku njegove realizacije mogu vršiti prilagodbe u skladu sa izmjenjenim uvjetima, te uz uvažavanje vremenskih i ekonomskih ograničenja.

### III DEPONIJIA BUKVA

Sanacija deponije u Bukvi bit će izvedena prema projektnoj dokumentaciji čija izrada je u završnoj fazi. Zatvaranje postojeće deponije izvršit će se kroz nekoliko faza, jer je bitno da se sanira cijelo područje aktivne deponije, kako ta ista više ne bi negativno utjecala na okolinu:

- **Prva faza radova** na saniranju postojeće deponije obuhvatit će deratizaciju i dezinfekciju deponije.
- **Druga faza radova** obuhvatit će zbijanje kompaktorom ostalog sakupljenog otpada i ranije razgrnutog otpada na plohama uz ublažavanje pokosa prema projektiranim nagibima i konačno formiranje tijela deponije.
- **Treća faza radova** obuhvata zatvaranje tijela deponije završnim multibarijernim slojem.
- **Četvrta faza radova** sastojat će se od radova na hortikulturalnom uređenju zatvorene deponije, te vršenju monitoringa i održavanju deponije kroz dalji period.

Odlaganje otpada nastavit će se na postojećoj deponiji sve do trenutka uspostavljanja uslova za prelazak na R.D. "Doboj" najkasnije do kraja 2030. g. ukoliko se u međuvremenu ne iznađe neko novo, bolje rješenje.

#### IV FINANSIJSKA SREDSTVA

Sredstva za realizaciju aktivnosti predviđenih Planom bit će obezbjeđena iz sljedećih izvora:

- nadležna Federalna ministarstva,
- nadležna Kantonalna ministarstva,
- Federalni Fond zaštite okoliša,
- budžet Općine Tešanj,
- budžet JP "RAD" d.d.

#### OBRADIVAČ

Služba za finansije, privredu, komunalne  
i inspeksijske poslove

  
Hamzaliya Hojkurić, dipl.ecc



#### PREDLAGAČ

OPĆINSKI NAČELNIK

  
Mr. sci. Suad Huskić,

Broj: 02-49-2-490-2/20

Dana: 15.01.2020. godine